

**«SIEMENS» ԱՐՏԱԴՐՈՒԹՅԱՆ ԲԺՇԿԱԿԱՆ ՍԱՐՔԱՎՈՐՈՒՄՆԵՐԻ ՏԵԽՆԻԿԱԿԱՆ ՍՊԱՍԱՐԿՄԱՆ
ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ԳՆՄԱՆ
ՊԱՅՄԱՆԱԳԻՐ N «ՄԱԾՁԲ-2023/19-ԵՊԲՀ»**

ք. Երևան

« » « » 2022թ.

«Երևանի Մխիթար Հերացու անվան պետական բժշկական համալսարան» Հիմնադրամը ի դեմս ռեկտոր՝ Արմեն Աբգարի Մուրադյանի, որը գործում է Հիմնադրամի կանոնադրության հիման վրա, այսուհետ՝ «Պատվիրատու», մի կողմից, և «Միմոյա Մեդիքալ Սփլայ» ՍՊ ընկերությունը, ի դեմս տնօրեն՝ Ալեքսանդր Հարությունովի, որը գործում է կանոնադրության հիման վրա, այսուհետ՝ «Կատարող» մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է՝ **«Siemens արտադրության բժշկական սարքավորումների տեխնիկական սպասարկման ծառայությունների մատուցման»** պարտավորությունը (այսուհետ՝ նաև ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1) և հանձնման-ընդունման արձանագրության 2 օրինակ (հավելված N 3):

3.2 Հանձնման-ընդունման արձանագրությունն ստորագրվում է, եթե մատուցված ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար պայմանագրով նախատեսված միջոցները:

բ) Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ծառայությունը չընդունելու պատճառաբանված մերժումը:

3.4 Եթե պայմանագրի 3.3 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի կողմից մատուցված ծառայության գինը կազմում է՝ մինչև 7 000 000.00 (յոթ միլիոն) ՀՀ դրամ, ներառյալ ԱԱՀ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին, բայց ոչ ուշ, քան մինչև տվյալ տարվա դեկտեմբերի 31-ը:

Ընդ որում գնման դիմաց վճարումն իրականացվում է սույն պայմանագրի վճարման ժամանակացույցով սահմանված ժամկետում, հինգ աշխատանքային օրվա ընթացքում:

5. ԿՈՂՄԵՐԻ ՊԱՏԱՄԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՅՈՒԹՅՈՒՆ (ՖՈՐՍ-ՄՍԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն

ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձևերի փոփոխության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձևապես Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում

է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն ուղարկվում է նաև Կատարողի էլեկտրոնային փոստին:

7.10 Սույն պայմանագրի կապակցությամբ ծագած վեճերը լուծվում են Բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է __10__ էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.13 Պայմանագրով նախատեսված ծառայությունների մատուցումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով պայմանագրի կատարման համար ֆինանսական միջոցներ չեն նախատեսվում: Ընդ որում, Կատարողը համաձայնագիրը կնքում, իսկ տուժանքի ձևով ներկայացված որակավորման և պայմանագրի ապահովումների փոխարինման դեպքում և Պատվիրատուին ներկայացնում է համաձայնագիր կնքելու ծանուցումը ստանալու օրվանից տասնհինգ աշխատանքային օրվա ընթացքում: Հակառակ դեպքում պայմանագիրը Պատվիրատուի կողմից միակողմանիորեն լուծվում է:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ
Պ Ա Տ Վ Ի Ր Ա Տ ՈՒ **Կ Ա Տ Ա Ր Ո Ղ**

«Երևանի Մխիթար Հերացու անվան պետական
բժշկական համալսարան» Հիմնադրամ
ք. Երևան, Կոռյունի 2
հեռ.060 621 000
«Հայբիզնեսբանկ» ՓԲԸ
ՀՀ 11500166513800
ՀՎՀՀ 01503448

Ռեկտոր՝ Արմեն Աբգարի Մուրադյան

(ստորագրություն) Կ.Տ.

«Միմոյա Մեդիալ Սփլայ» ՍՊԸ
ՀՀ, ք.Երևան, Դեմիրճյան 40, տարածք 173
«Էվոկաբանկ» ՓԲԸ
Հ/Հ 1660004508650100
ՀՎՀՀ 02264261

Էլ. հասցեն՝ info@siemtech.sk

Հեռ. (011) 800 700

Տնօրեն՝ Ալեքսանդր Հարությունով

(ստորագրություն) Կ.Տ.

Կետ 1. Siemens արտադրության Angiograf Artis Zee անզիոգրաֆի ամսական սպասարկման ծառայություն

1. Սպասարկման աշխատանքները կատարվում են արտադրողի համապատասխան տեխնիկական ձեռնարկների պահանջների համաձայն, իսկ անհրաժեշտության դեպքում, նաև արտադրողի համապատասխան ծառայությունների համաձայնությամբ:
2. Սարքավորումների սպասարկման աշխատանքները ներառում են՝
 - 2.1 Պրոֆիլակտիկ այց՝ անսահմանափակ, բայց ոչ պակաս քան ամիսը 2 անգամ:
 - 2.2 Հետազոտում, խափանման հայտնաբերում՝ սարքի խափանման դեպքում դեպքում, կանչի պահից սկսած առավելագույնը 24 ժամվա ընթացքում, ներառյալ ոչ աշխատանքային օրերը:
- 2.3 Արտադրողի կողմից նախատեսված սպասարկում՝ տարին մեկ անգամ՝ սերտիֆիկացված մասնագետի կողմից: Այն նախատեսում է բոլոր շարժվող համակարգերի յուղում և մաքրում, համակարգիչների մաքրում և սառեցման համակարգերի ստուգում, վերալիցքավորում:**
- 2.4 Համակարգչի վերանորոգում՝ անհրաժեշտության դեպքում: Վերաբերելի չէ այն դեպքերին, երբ վերանորոգումը պահանջում է պահեստամասի փոխարինում:
 - 2.4.1 Սառեցման համակարգի վերանորոգում՝ անհրաժեշտության դեպքում: Վերաբերելի չէ այն դեպքերին, երբ վերանորոգումը պահանջում է պահեստամասի փոխարինում:
 - 2.4.2 Կոլիմատորի վերանորոգում՝ անհրաժեշտության դեպքում: Վերաբերելի չէ այն դեպքերին, երբ վերանորոգումը պահանջում է պահեստամասի փոխարինում:
 - 2.4.3 Ծրագրային ապահովման վերաբեռնում՝ անհրաժեշտության դեպքում:
 - 2.4.4 Հետազոտման սեղանի վերանորոգում՝ անհրաժեշտության դեպքում: Վերաբերելի չէ այն դեպքերին, երբ վերանորոգումը պահանջում է պահեստամասի փոխարինում:
- 2.5 Պահեստամասերի փոխարինում՝ Պատվիրատուի մոտ այդ պահեստամասերի առկայության դեպքում:
3. Կատարողը արտապլանային /վթարային/ աշխատանքներ կատարելու համար՝ ոչ պլանային այցելությունների դեպքում, տեղեկացնում է այդ մասին պատվիրատուին այդպիսի աշխատանքները սկսելուց ոչ պակաս, քան 3 ժամ առաջ: Հատուկ դեպքերում, երբ անհրաժեշտ է իրականացնել առաջացած խնդիրների անհապաղ շտկման աշխատանքներ, Կատարողը կարող է տեղեկացնել Պատվիրատուին այդ աշխատանքները սկսելուց անմիջապես առաջ:
4. Սարքավորման շահագործմանը և պահպանմանը նպաստող միջոցառումների վերաբերյալ խորհրդատվական տեղեկությունների տրամադրում:
5. Սպասարկման աշխատանքների մատուցման պարբերականությունը և կատարման ժամկետները սահմանում է Կատարողը՝ արտադրողի կողմից համապատասխան ձեռնարկներում սահմանված սարքի տեխնիկական սպասարկման ծավալներին, ժամկետներին և տեխնոլոգիաներին համապատասխան, սակայն ոչ պակաս քան նշված է 2-րդ կետում:
6. Փոխարինման ենթակա պահեստամասերի փոխարինման ժամկետ՝ 24 ժամվա ընթացքում, պահեստամասի առկայության դեպքում:
7. Առանձին դեպքերում, բարդ վերանորոգման կամ կարգաբերման աշխատանքներ իրականացնելու համար Կատարողը ապահովում է սարքի կամ սարքի համապատասխան հանգույցի տեղափոխումը Կատարողի համապատասխան արտադրամաս (սպասարկման կենտրոն) կամ արտադրող գործարան:
8. Սպասարկման աշխատանքները իրականացվում են միայն սույն պայմանագրով նախատեսված սարքավորումների համար, այն իր մեջ չի ներառում հարակից կամ օժանդակ այլ սարքավորումների սպասարկում:
9. Սպասարկման աշխատանքները, իրականացվում են աշխատանքային և ոչ աշխատանքային օրերին և ժամերին:

Վետ 2. Siemens արտադրության սարքավորումների/Iconos R200, Iconos R100, Acuson x700, Acuson x300, Modularis Variostar Lithotripter/ըրացուցիչ ըստ պահանջի, սպասարկման ծառայություն

ՀՀ	Ծառայության նկարագրություն	Iconos R200	Iconos R100	Acuson x700	Acuson x300	Modularis Variostar Lithotripter
1	Պրոֆիլակտիկ այց	100800	100800	72000	72000	-
2	Հետազոտում (խափանման հայտնաբերում)	129600	100800	72000	72000	120000
3	Արտադրողի կողմից նախատեսված սպասարկում	792000	504000	100800	100800	300000
4	Մագնիսական դաշտի կարգաբերում 1-ին մակարդակ	-	-	-	-	-
5	Ընդհանուր համակարգի կարգաբերում	-	-	-	-	-
6	Համակարգչի վերանորոգում	100800	-	-	-	180000
7	Սառեցման համակարգի վերանորոգում	-	-	-	-	1440000
8	Ծրագրային սպահովման վերաբեռնում	388800	259200	115200	115200	108000
9	Հետազոտման սեղանի վերանորոգում	244800	194400	-	-	84000
10	Ռենտգեն խողովակի փոխարինում	446400	316800	-	-	240000
11	Նկարի ընդունման հանգույցի փոխարինում	-	-	-	-	240000
12	Բարձր լարման սնուցման հանգույցի փոխարինում	-	-	-	-	72000
13	Էլեկտրական սալիկի փոխարինում	187200	144000	100800	100800	96000
14	Տվիչի փոխարինում	129600	129600	-	-	60000
15	Կոլիմատորի վերանորոգում, փոխարինում	259200	144000	-	-	120000
16	Կոմպրեսորների փոխարինում	-	-	-	-	-
17	Պոմպի փոխարինում	-	-	-	-	-
18	Սեղանի բարձրացման շարժիչի փոխարինում	504000	504000	-	-	-
19	Սյունի շարժիչի փոխարինում	316800	237600	-	-	-
20	Կենտրոնացնող լամպերի եւ լազերների փոխարինում	50400	50400	-	-	-
21	Բարձր լարման տրանսֆորմատորի փոխարինում	396000	316800	-	-	-
22	Ինվերտորի կառավարման սալիկի փոխարինում	158400	129600	-	-	-
23	Սեղանի շարժիչների ինվերտորների փոխարինում	237600	194400	-	-	-
24	Սեղանի արգելակների փոխարինում	129600	100800	-	-	-
25	Մեխանիկական մասերի փոխարինում	79200	79200	-	-	-
26	Ղեկավարման վահանակի փոխարինում	115200	79200	-	-	-
27	ՄՌՏ կոճերի փոխարինում	-	-	-	-	-
28	Հիմնական սնուցման սարքի փոխարինում	129600	79200	86400	86400	-
29	Մոնիտորների փոխարինում	79200	79200	72000	72000	-

10-29-րդ տողերում նշված պահեստամասերի փոխարինման ծառայությունները չեն գործում այդ պահեստամասերը կատարողից գնելու դեպքում: 10-29-րդ տողերում նշված պահեստամասերի փոխարինման ծառայությունները նախատեսված են Պատվիրատուի մոտ առկա պահեստամասերի (նվիրատվություն, մեկ սարքից պահեստամասի տեղափոխում մեկ այլ սարք) փոխարինման համար:

ՎՃԱՐՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ծառայության															
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 20 թ-ին՝ ըստ ամիսների, այդ թվում												
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
1	50421100	Siemens արտադրության Angiograf Artis Zee անգիոգրաֆի ամսեկան սպասարկման ծառայություն	... %	... %	... %	... %	... %	... %	... %	... %	... %	... %	... %	... %	... %
2	50421100	Siemens արտադրության սարքավորումների լրացուցիչ ըստ պահանջի, սպասարկման ծառայություն	... %	... %	... %	... %	... %	... %	... %	... %	... %	... %	... %	... %	... %

* Վճարման ենթակա գումարները ներկայացվում են աճողական կարգով: Եթե պայմանագիրը կնքվում է "Գնումների մասին" ՀՀ օրենքի 15-րդ հոդվածի 6-րդ մասի հիման վրա, ապա սույն ժամանակացույցը լրացվում և կնքվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի հետ միաժամանակ՝ որպես դրա անբաժանելի մաս:

Պ Ա Տ Վ Ի Բ Ա Տ ՈՒ

Կ Ա Տ Ա Բ Ո Ղ

«Երևանի Մխիթար Հերացու անվան պետական բժշկական համալսարան» Հիմնադրամ
 ք. Երևան, Կոռյունի 2
 հեռ.060 621 000
 «Հայրիզնեսբանկ» ՓԲԸ
 ՀՀ 11500166513800
 ՀՎՀՀ 01503448

«Միմոյա Մեդիքալ Սփլայ» ՍՊԸ
 ՀՀ, ք.Երևան, Դեմիրճյան 40, տարածք 173
 «Էվոկաբանկ» ՓԲԸ
 Հ/Հ 1660004508650100
 ՀՎՀՀ 02264261

Էլ. հասցեն՝ info@siemtech.sk

Հեռ. (011) 800 700

Տնօրեն՝ Ալեքսանդր Հարությունով

Ռեկտոր՝ Արմեն Աբգարի Մուրադյան

 (ստորագրություն) Կ.Տ.

 (ստորագրություն) Կ.Տ.

Պայմանագրի կողմ

Պատվիրատու

գտնվելու վայրը _____
հհ _____
հվհհ _____

գտնվելու վայրը _____
հհ _____
հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄԴՐԱՄԻՄԱՄԻ ԿԱՏԱՐՄԱՆ
ԱՐԴՅՈՒՆՔՆԵՐԻ ՀԱՆՁՆՄԱՆ ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « _____ » « _____ » 20 թ. Պայմանագրի
համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ

« _____ »
« _____ » 20 թ. դուրս գրված N _____ հաշիվ ապրանքագիրը, կազմեցին սույն
արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

Մատուցված ծառայությունների								
N	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն Կ.Տ.

Ծառայությունն ընդունեց

ստորագրություն

ազգանուն, անուն Կ.Տ.

